



Орган Лемковского Союза.

Выходит в каждый четверг.

Редакция и администрация в Крыници. — Адрес „Лемко“ Крыница.

Пренумерата в краю:	
50 грошей місячно.	
2.50 зл. полрочно.	
5 зл. рочно.	
В Америці: 1 дол. полрочно.	
2 дол. рочно.	
В Чехословакии:	
3 кор. місячно, 15 кор. полрочно.	
30 кор. рочно.	
Контото чековое №. 404.155.	

С Новым Роком. 1935.

Стародавним звичаєм пересыламе при наближаючом ся Новом Року від нашим Пренумераторам, Сотрудникам и Симпатыкам искренны желаня асаго найліпшого. Входи-ме в тот Новый Рок по близко цілорочном труді, витаєме его с добрыма надіями. Так, як прошлого року так и в будучности „Лемко“ не даст ся выпровадити с раз обраной дороги; он буде стояти все на сторожі нашой народной традиции, нашого руского имени и буде стреміти до поднесєня господарчого наших сєл.

Жадного крикунства, ави перелицывавя ся в ложном патриотызмі у нас николи не было и не буде. Не старали ся мы николи еднаги собі сторонников визком дєстю и под-даванєм приятных на око, але невыкональных и в результаті шкодливых проєктыв — нашим кличом был и буде все усильный реальный труд на родном загоні и выбороте собі на власной землі ліпшой долі и напєжных прав. По той дорозі наміраєме ити твердо и в будучности. Стоячи на точці цілковитой лояль-ности в виду братного народа и правитель-ства, будєме все ставати в обороні наших прав народных и религиозных. Если до того часу во многих областях потерпіли мы не-удачу, то тото не може знеохочати нас до дальшого труда, але наоборот мы должны напрячи всі наши силы в напрямі организации, штобы в будучности удачнійше переводити нашу програму. Наріканєм на біду, біды не позбудєме ся, не поправлят нашого положєня мечты о скором выїзді в незнаны край пльвуче-го молока и меду, але выжєне біду напєвно наука и напряжений труд у нас на сєлі.

Тому при Новом Року жєлаєме щиро вшит-кым передовсем кріпкого здоровья до труда, — жєлаєме братской згоды и любви, жєлаєме устранєня всяких борб религиозных и партий-ных. Свою религию нехай має каждый для себе, нехай каждый хвалит Бога так, як хоче и як его научили, але также нехай каждый ушанує религиозны чувства другого. Не за-бывайме николи, же борба так религиозна, як и партийна сун придуманы нашими врагами в той цілі, штобы ослабити наши силы, што-бы нас роздрєбити и штобы нас пожерти. Не будмєж тыма баранами, котры доброохот-но идут под нож и поцажмє, што мы народ

свідомый, носячий достойно свое руске имя и уміючий зя тото имя потерпіти в потребі. Шмарме отже при Новом Року всяку не-згуду, всяку борбу, а на ей місце нехай за-панує в наших странах братский труд, згода и любов.

Того всего жичит Вам щиро
Редакция и Администрация
„Лемка“.

На Новый Рок.

Хыбаль те лєм я позілам,
Жє тот рочек планый был?
Тыт—каждому была біда,
Преця каждый хоц—як жил!

И пінязей браковало,
А ту все лєм плат и плат!
Зерна, грульок было мало,
Одним словом,—вшитко дзяд!

Хоц ся чловец насначил
И наробил так, як фрас,
Нич не зыскал, лєм богачи,
Што стігают скору с нас!

Якый буде тридцет пятый
Рочек, гардый або ніт?
Не знат и Асафат святы
Вєра не знат, аж го взрїт!

Або ліпший, або планый,
То нам братя вшитко—фук
Прєтрїмаєме мы го ище,
Руснак твердый, яко сук!

Вытрїмаєме аж до смерти,
А не лєм до других свят,
Не сїл нас тридцет четвертый
Не сїг нас и тридцет пят!

Асафат Потыкач.

Комунальна Каса Ошєдности в Крыници

принимат вклады и платит высокий
процент. Уділат также пожиток на
добрых условиях!

Што оставил нам Старый Рок.

Отвєз по світовой войні державы поділили ся на дві группы. Одна хоче уладити такій стан и такы граници, якы усталено в Версалью, а другая хоче тоты граници обалити.

С группы прєтивверсальской набыльнійшом державом сун Советы. До той группы перєшлї также Италия, Муссолиного, Німєччина и лєкотры менши державы. Англия, хоц сама на-лежала до группы держав версальских, поперала Німєччину и в послїдство того через близко дєсят літ розрастали єя дві собі во-рожи группы.

Доперва, коли в Німєччині пришол до вла-сти Гитлер, перемїнила ся полїтыка в Европі. Гитлер нагло сорвал союзєм с Советами, в послїдство чого Советы перєшмарїли ся на другый бєрег и вошли до блока версальско-го. Незадолго потом улягли перемїні и отно-шенєя німєцко-италиянскы, по котрых обі сто-роны надїяли ся барз дуже. Бо коли Гитлер хотїл завладїти Австриом и коли убито ав-стрийского канцлера Дольфуса, Муссолини змїнил нагло полїтычну ориєнтацию, и выс-лал над австрийску границу 2 дивизии войска для охороны Австрий перед Гитлером. От того часу Муссолини примыкат также до обо-за версальского, а тым самым опасность вой-ны малїє, бо в обозї протїв версальском остала лєм сама Німєччина, котра также на-чинат кокетничати с Франциом, што разом взятє дає лєваво предсказати, же в року 1935-ом ніт што бояти ся войны.

Сраты в 1934. року.

Рок 1934. был роком несчасть для высоко-поставлєных и пануючих и роком елементар-ных бїд. Уж на початку року убил ся (28 лютого) король бельгийский Альберт. В лютом также револьта социялистучна в Ав-стрии и розрухы народови в Парыжі. Пого-дивше рїзєя в Німєччині, бунт в Австрии, убийство Дольфуса, убийство министра Пе-рацкого, розрухы в Испании, смерть Гинден-бурга, убийство мин. Барту и короля Алек-сандра, наконец убийство Кирова, котре по-тягло за собой понад 120 жертв в людях, кольосальны сраты, яке послїдство зливы

часты катастрофы залізно-дорожні, авіаційні і морські. Тіт вшиткы нещастя пересувають ся перед нашима очима, коли перейдене в мысли прошлый рок. Ци новый рок буде ліпший, увидиме. Ріжны ворожки старают ся открыти нам тайну будучого року и они то оголошуют.

Якый буде 1935 рок.

По пророчтвам одних с них рок 1935 не заповідат ся добре. Має те быти рок елементарных бід и катастроф и ріжнородных нещастя, котры докучат дост людям. Нещастя теты предвиджуют однак далеко от нас и так: В Японии має быти страшное трясене землі, вулькан Кракатау має вышмарити со себе масы лавы, над Америком має перейти страшна буря с вітром, (циклон) в Голандий має быти окрутна злива, має ся розбити найбільший аероплян англійскый, а в залізнодорожних катастрофах во Франции и Авотрии має стратити жите двох выбитных політыков Европы. Предвиджена ест смерть амерыканского короля наеты. Дакотры верожбиты предсказуют также смерть Гитлера и ище одного великого мужа.

На полю науки рок 1935 має быти добрый. В том року мают поробити новы важны открыты, як нпр. ужите сонечных лучей на електричну енергию. Віденскый лікар має вынайти лікарство (серум) против рака и т. д.

В 1935 том вшиткы ворожбиты предсказуют, же в том рену до войны не дойде, але же переломовым роком має быти рок 1936, а в р. 1935 будут вшиткы народы приготавливати ся горячково до того пережома.

С'їзд Руско-Селянскый Организаци.

Четвертый с'їзд Р.С.О. отбыл ся во Львові дня 25. грудня 1934. р. при участии килькасот делегатів. С'їзд тот повзял ряд важных резолюции в ділах школьных, церковных и экономичных.

С'їзд стверджує, што собраны, яко лояльны граждане державы польской хотят и будут сотрудничати с братным, словянским, польским народом и его правительством для общого добра ебох народов и общой державы, сподіваючи ся, што справедливы их требования будут увзгляднены.

С'їзд витат назначене руского, апостольского администратора на Лемковщині и высказує за того благодарность Апостольской Столиці и Правительству. Одновременно требує установления при администратурі отдельной консистории и духовной семинарии.

С'їзд требує назначеня такого-же отдельного владыкы с консисторией и духовном семинарием для приходів остальной части Галичины, населене котрых не годит ся с теперешном украинизаторском политиком церковных властей.

С'їзд осуждує переведену гр. кат, епископатом продажу большой части ерекциональных грунтов и ужите вырученых с продажи тых грунтов сум на партийны, украинскы ціли як нпр. выдаване газет, вносячих роздор в руске населене Галичины.

С'їзд протестує против самовольному стяганю со священничих платень значных сум

на ріжного рода украинскы ціли, як пренумерата украинскых газет и т. д.

С'їзд протестує кротив веденю гр. кат. церковными властями украинизаторской политики в церквах.

С'їзд требує обсаждения учительских посад в народных и середных школах в місцевостях с руским населенем учителями руской народности.

С'їзд требує обсаждения одной с существующих во Львові гимназии державных, номинально руских и фактычно обсажденных украинцами, рускими учителями, штобы рускы жителі Галичины могли мати таким способом хоц одну середну школу, в котрой молодеж могла бы выховати ся в руском дусі на лояльных граждан державы и не была наражена на шкодливый вплив украинской агитации.

С'їзд повзял также пару важных резолюции в ділах экономичных, с котрых найважнійша иде в напрямі стараня ся о приаернение прав Р.С.Р.К. переводити ревизии в руских кооперативах на Лемковщині. Таксамо С'їзд требує передачи Народного Дома во Львові законным владільцам. Наконец С'їзд призывает Центр. Сов. Р.С.О. штобы тот обсудил справу соймовых выборов и участи в них руского населения.

Предсідательом Р.С.О. выбрано сениора Ставропигии г-на Ант. Гуллу.

Лемковскому Владыци.

Витаме Тя Владыко!
Вытаме в добрый час!
Маме надію в Тебі,
Же буде ліпше засі!

Як давно в нас бывало
Душпастыр был нам друг,
Мир, згоду проповідал,
Бо рускый был в нем дух.

А тераз нам наслали
Янчаров в каждый куті
И хотят нас уничтожити,
Сердца нам с груди друті!

И Русь допчут ногами
И плюют ядом в насі!
Маме надію в Тебі,
Же то ся скончит раз!

Витаме Тя Пастырю,
Жий нам Многая Літ!
Віриме твердо, кріпко,
Же конец наших бід!

Асафат Потыкач.

Противсовітска рухавка в Туркестані.

В Туркестані пришло до рухавки против совітской. Участники рухавки достали карабины и кулеметы с Монголии и Манджурии, Против них направлено регулярны войска и отділы Г.П.У. Бои медже совітскими войсками и участниками рухавки закончили ся перемогом войск. Часть участников погыбла, а часть уткла до Афганистана, Персии и Монголии, где их тамтешне населене приняло барз сердечно.

Так подают газеты совітскы. Другы газеты подают, же рухавка не ест ище давлена.

Правда, дакотры отділы были розбиты, але они покрыли ся в горах. Тепер они ведут войну партизантску, мордуют комунистов, перерывають залізны дороги, засыпають студні, ницят комуникацию телеграфичну и палят правительственны будынкы.

Совітскы войска отвічают на того масовыма розстрілами, не щадячи жен и дітей.

Дакотры оселя пересгали существовати.

Масовы вырокры смерти в Совітах.

Як уж писали мы в Петрограді (Ленинграді) замордовано высокого урядника совітского Кирова, котрый был сотрудником Сталина.

Виновника убийства Николаева арестовано. Але ище перед его процессом розстріляно 116 додуманных помочников Николаева без суда. Дві треты части розстріляных, те члены тайной полиции, котры мали поручене слідити за безпеченством страны и бороти ся с всякого рода пробями заговоров.

Лем по розстріляню 116 (гварят, же розстріляно веце) обжаловано самого Николаева и 13 сообщников. Вшиткых приговорено на кару смерти и вырок выконано.

Власти совітскы подали при том сензацийны відомости о выкрытю заговора на жите Сталина, Молотова и Кагановича. С переведеного слідства показало ся, што Николаев действовал с рамени тайной комунистичной организации, во главі котрой стояли Каменев и Зиновиев.

Тоты два творили давнійше со Сталином тройку, котра радил в Совітах, потом однак хотіли они надати рядам напрям веце лівый, на што не пристал Сталин, котрый потрафил их устранить. Они то тепер и перебивающий за границом Троцкий хотіли спрятати Сталина, а вступом до того мало быти убийство Кирова, Тепер обох их (Каменева и Зиновиева) выселене на Соловецкы островы.

Ци так акурат было, не знати. Меже Сталин нароком вмшал Каменева и Зиновиева в тот процес, штобы ся их позбыти, але незапереченым фактом ест, же в России ест зло. Большевикы мордуют ся медже собом. Розстрілює ся людей без причины и вины, без суда и возможности обороны. Если урядово подає ся 130. то направду ест их значне веце. От до чого доводит борба за власть. А неосвідомлены представляют собі комунизм, яко зровняне вшиткых людей и рай на землі.

Италия укончила будову 8 торпедных кораблей для России

С Шангаю доносят, же фабрика италийскы кончила будову 8 кораблей торпедных для совітского правительства. Кораблі тоты маот вскрипити совітскы морскы силы на Океані Тихом. Пароходы отплыли уж с Италии до Владивостока.

ПОМІЩАЙТЕ
ОГОЛОШЕННЯ
В ГАЗЕТИ „ЛЕМКО“.

Рольны курсы на Лемковщині.

Рольный Инструктор повіта горлицького організує зараз по селях рольны курсы по селах лемковських в цілі поднесеня господарства рольного на Лемковщині. Задача курсов буде поучене газдов и газдынь о рациональном веденю господарств рольных. Курсы такы сут на часі и можут причинити ся до увеличеня доходов с рольных господарств. Тому в тых курсах повинно взяти участь як найвеще наших селян.

Німеччина хоче мира с Франциом.

Німецький міністер пропаганды Д-р Гебельс выголосил через радио, бесіду, в котрой представил стан Німеччини при конци 1934 р. и програму робот на 1935 рок. В той програмі на першом місци ставлят мия, Гебельс борбу с безработем и устраниен церковных борб.

В политыці заграничной,—заявил мин. Гебельс,—ціллы німецький народ жде поворота Саары до Німеччины. По том повороті Німеччина буде старати ся навязати тревалый мир с народом французским.

Напад на банк в Будапесті.

Дня 31. грудня м. р. доковане надзвычай смілого нападу на Венгерский Банк Торговельный в Будапесті.

Перед полуднем до отділа Венгерского Банка Торговельного, одной с поважных институтыи фнаансовых, містячого ся на Площі Свободы, вбіжало трох бандытов с револьверами в руках. Напастьники вдерли ся до касы и почали стріляти до касиера, котрый упал убитый. Другы урядники и дакотры находячи ся в Банку люды начали также стріляти. Вывязала ся обосторонна стрілянина, в результаті котрой убито одного бандыта, а два други утекли, не забираючи ничего с собом.

В часі стрілянины вымінено около 20 стрілов. Два урядники и оден клиент сут тяжко ранены.

Нарады француоко-италиянскы рвут ся.

От долшого часу вели ся медже Италиом и Франциом нарады в цілі заключеня тревалого порозумленя. Газеты парьскы подають, же тоты нарады перервано по поводу трудностей, якы уявили ся в послідном часі. По вістям тых газет Италия мала перушити справу ревизии границ, на што не може згодити ся нияк Франция. Той вісти перачит вправді Агенция Гаваза, хоц она сама початково такувість пустила. В каждом разі суг великы ріжниці медже поглядами обох держав и справа договора медже нима ест на разі неактуальна.

Поміщайте оголошеня в газеті «Л е м к о».

Кто хце прислужити ся нашой газеті, нехай зберат оголошеня сміст и сел повітов Леско, Сяном, Кресном, Ясло, Горлицы и Новый Санч.

Франция ухвалила не спроваджати нич с заграницы.

Французский міністер колонии Роген розвинул свой плян заспокаяня вшиткых потреб французского господарства в рамках власного краю и колонияльных посілоостей.

Франция, котра до тою часу спроваджала с заграницы масу товаров, як уголь, волну, кавчук, баволну, каву и инши, хоче тепер замкнути свои границы для заграничного товару и спроваджати тот товар ст своих колоний. В той справі зроблено уж дост дужа, бо коли перед войном спроваджано выше вычисленых товаров 95 процент, то тепер Франция спроваджат лем 77 процент. Міністер заявил, же того не даст ся зробити нараз и тому на переведене того перезначено 5 ліг, в котром то часі Франция буде заспокаяти свои пдтребы в 90 процентах власныма товарами.

Шануйме свою народну честь!

До всіх бід, якы в послідном часі на нашу Лемковщину падають, пришла и борба релігійна и всі ей послідства, котры страшны тым, же ослабляють наши скромны силы.

Страшна тота борба тым веце, же мішають ся до ней люды песторонны, люды, котрых с нами нич не лучит и котры до борбы лем ходят, а одночасно хотят при том огню удечи и часто печут свою печеню.

Перед около двома роками перешла на православие часть жителей Устья Руского (горлицького повіта), а перед около роком тоты, котры перешли на православие забрали из униятской церкви часть церковных річей.

За того приарестовала полиция килькаватцетох православных людеи, подозреных о забране церковных річей и осадила их в слідственном аресті.

О приспішене слідства и освобожденне их старал ся адвокат Д-р Сьокало и у судии слідчого и у прокуратора в Яслі, а также и у административных властей.

На просьбу сына и жены одного из арестованных змішал ся до того также бывший редактор польской людовой газеты пан Ян Стапинский, доживотник фольварка из Климковкы.

А же пан Ян Стапинский на том, же знае красно бесідовати и прирекаги, зробил в житю карьеру, о якой ся другому человеку о таком розумі и образованю и не снило, для того и в той справі лем дурил и прирекал и хоц ходил по Горлицях и іадил до Ясла, то нич не помог, бо арестованы устяне мусіли выседіти около 10. дней, докаль ся слідство не скончало. Доперва, коли вшитко ся выяснило и коли річи церковны нашли ся и отдано их униятской церкви, втотчас прокуратура всіх освободила и слідство приостаовила.

И ту доперва зачинат ся ціла огида, яка часто случат ся в нашем общественном житю.

Пан Ян Стапинский начал ся выставляти перед устянами за защитника православия, а православны устяне, засліплены ненавистьом, яка вытварят ся все в борбах релігійных, а кромі того бунтованы через одного интеллигента, котрый при помочи пана Яна Стапинского хоче достати посаду, начали пана Яна Стапинского величати своим покровите-

Вырок на 77 комунистов в Чехословакии.

В Левочі закончил ся процес против комунистам, оскарженным о того, же належали до тайных претивдержавных организацй. Засуджено 77 комунистов арестом от 1 місяца до 1 року.

В Испании ище все неспокойно.

В тых днях войскова патруль встрітила в горах групу революционеров, котры крыли ся там от часу здавленя рухыкы в жолтні 1934 р.

В часі перестрелкы убито двоих революционеров, решта скрыла ся в горах.

Революційны бои в Альбании?

По нестверженым вістям гвагет, в Альбании идут дальше революційны бои. В Тирана, недалеко королевского дворца мали выбухнуты бомбы, котры мали спричинити великы материяльны шкоды. По тым самым инфор-мациям начальник революционеров достал ся до веволі в бою недалеко Скурари.

льом, запрашати его на ріжны „ламанцы“ и свои церковны торжества.

Але самы тоты гоноры не задоволили пана Яна Стапинского. Зажадал он за свою зашиту православных арестантов также и материяльных благ, а же о пінязі тепе тяжко, для того зажадал даремной роботыкы.

И прарославны устяне повозили пана Яну Стапинскому за его труды и зашиту около 300. кубиков дерева из его ліса в Климковці на тартак до Ропы, а дівчата православны в додатку пололи на фольварку пана Яна оден день. А своему чоловіку, адвокатуви Д-ру Сьокалі, котрый успішно ходил за том справом, не лем же нич не платили, бо того не жагал, но и одного слова благодареня ани арестованы ани их редины не сказали.

Мало того, же пана Яну Стапинскому за его неправливы реляции о результаті его ин-тервенции отробили „панщину“, котра принесла ему користи на вепе як 300. злотых, але тым осмілили того старого агитатора до того, же тепер он нюхаючи в воздухі близкий час выборов сеймовых, начинат розбивати народ на партии.

Вмавлят он в селян, же не повинны слухати своей интеллигенции, же повинны на всі уряды и до всіх репрезентаций выберати лем селян.—одным словом старат ся нас розділити и шмарити медже нас кость незгоды.

Ціль пана Яна Стапинского ясна. Польскы хлопы го прогнати и медже нима пан Ян уж давнэ не мае што робити. Задумал отже приготувити собі до выборов сеймовых медже лемками терен.

А понеже медже тым устянами, котры чувствуют себе лем православныма, а не рускыма ест не лем пару селян, але и оден интеллигент, котрый зае чувствуете себе хоц як, а то раз украинцом, раз большевиком, а медже своим в Устья руском выключно православным патриотом, тому пан Ян мыслит, же мае уж на Лемковщині цілу партию и начинат показовати свои рогы.

Пане Яне! можеш собі выгладовати глурых людеи, котры повірят в твою любов до руснаков, силу и значенье, увірят твоим хвальбам и за твои „стараня“ будут тобі отрабляти панщину, лем не мысли собі, же ест медже лемками много тых, в котрых отагарит

партию до выборов.

Господин интеллигент из Уста! Барз планує свідоцтво свого розуму и сприта собі выставляте, если мыслите, же наганяючи рыбу до сака павови Янови Стапинскому, доставите за того посредством его впливу якую посаду. Минули давно часы ланцупского банка и „любова людского“ и пан Ян може вам дати лем місце при своих овцах в Климковці.

А вы устане майте раз разум! Раз перестанте дати ся водити за носы тым пару „религийным патриотам“, котры ци то в уни, ци то в православии выдат найвисший идеал, бо они Вас опукуют. Им безразлична уния и православие, а все ходит им лем о власный интерес, котрый старанно крывают за основу религиозной борьбы. Они Вас завели до братоубийственной борьбы, они разбили едність села, они потом завели Вас до ліса и на лан пана Яна Стапинского, жебы сте отработали „панцину“. Діты Ваши и внуки будут колеси сміяти ся и вотыдати того.

Перестанте вірити в пророческу миссию и сиду пана Яна, а также в его любовь до Вас, бо если он медже евоима не має голоеа, если польскы хлопцы перестали поклонятися его партийной полытыці, то поштож вы мате вдівати не себе лах, котрый другы на улици вышмаряли.

Климковян.

Остерегаме наших читателей, што лем в на шей фирмі можна купити правдавы, черны, автоматичны бравнингы, усуваючи по стрілі гильзу. Бравнингы опатентованы фабр. знаком «Strzala». Всякы инши розрекламованы бравнингы автоматично гильз не усувають, они остают в люфі револьвера, откаль треба их усувати при помощи гвоздя.

ЧУДО ТЕХНИКИ — АВТОМАТИ стрілят до ціли металловыма кулями або дробю до птахев. Оксы дованыи, плоскый, гварантуочий особисту безпеку. Стріл громовый. Ціна лем 7.95 зл. 2 шт. — 13.90 зл. 10-то стрільный — 21.75 зл. Сто кульок 3.65 зл. Люфочистку додаме даром. Высыламе за посліплатом. Кошты несе выписуючий.

Адресовати: Centralne Przedstaw. na całą Polskę i na m. Gdansk «Strzala» Warszawa, Zamenhofa 12, oddz. 6. E. (Vita).



По Лемковщині.

Крыница-село.

Виділ чит. им. М. Качковского в Крыниці-селі, як відомо запросил до Крыницы знаного дырыгента А. Л. Ропицкого для организации хора и оркестра и не помилил ся в овоем выборі, хоц оферт мал много. Г. Ропицкий в дуже коротком часі организовал в Крыниці прекрасный хор и оркестр. Хор складат ся с 72 особ (мужчин і женщин) переважно молодеж, прекрасно вишколеных і добрых співаков. За так короткий час науки от 12.XI. до 9.XII. уж дано цілый ряд концертов и заповіджено ише много концертов, с цілком новым програмом.

И так до того часу отбыли ся концерты: 9.XII. в Крыниці-селі, 16.XII. в Повсрознику, 23.XII. в Мохначці Нижной.

Програм тих концертов складат ся с пісень як: Дзвон, Куричочка, Кудылица, Птичий хор, Колыбельна пісня, Ческа полька и многы иши. На дальши точки идут одноактовы комедийкы: „Мирне супружество“ и „Розбите зеркало“, знаменито отограны Мих. Слезном, Иваном, Ціхоньом, Катерином Кусик и Катерином Маркович.

Кромі того в концерті сут и мелелеклямации: Мис Лемкыні—Марии Петрык: «Под соснами», при звуках цитры. Сам дырыгент г. Ропицкий выступат с цитром—Попурри рускых пісень.

Оркестр читальні по поводу поста не выступат, хоц має репертуар подготовлений.

Тепер розучают на праздники Р. Хр. колядки, с котрыма хор выступит в церкви, а на 8.I. 1935. заповіджено вже новый концерт лем самых колядок в Крыниці-селі и Здрою.

Не буду розводити ся о том великом моральном и материяльном успіху, котрый встрічат хор в каждом селі, где хор выступат. Бури оплесков и оваций, повторене пісень на «бис» то тота нагорода, на котру хор вполне заслугує.

ЛЕМКО-СОЮЗ, желаячи поширити науку співу и музыкы, заповіл на 21. сичня устроить двохмісячных курсов, на котрых г. Ропицкий выступит уж яко профессор співу (ноты, теория и прантыка и гра на мандолинах). Такий курс ту на Лемковщині єст дуже потребный и люды зрозуміли его потребу, о чом свидчат зголошена прыватны и от читальні.

Добре было бы, штобы выділ чит. в Крыниці на долший час задержал у себе г. Ропицкого, а користь с того была бы велика, бо як нам відомо, г. Ропицкого просят вернути ся до Львова, на лучші условия. Виділ чит. повинен за всяку ціну удержати дырыгента, а особенно свой чудный хор, которому предстоит велика будущность на Лемковщині.

За того, што до того часу выділ читальні зробил для оживления діяльности не лем в Крыниці але и в цілой околиці, на том місці мусиме выразити благодарность и признанє, а членам хора, оркестра и аматорам кружка читальняного велику подяку за тоту охоту поддержати руску культурно-просвітительну роботу, котру они так охотно поддерживают.

Честь Вам Крыничане за Вашу стойкость, не ставайте на дорозі а идте вперед, неста культуру и просвіту в села родной Лемковщины.

Не забывайте также, што конечно пекучом справом єст справа евого чит. дома в Крыниці, с салым для представлень и концертов, хора и оркестра и в том напрямі треба трудити ся и започатковати будову евогого власного дома.

Доброжелатель.

В селі Тихані, короснянского повіта, в домі Алексія Кантора отбуде ся в **четверг дня 10. сичня 1935 р.** о годяві 2-гой по полудни.

Открыте читальні им. М. Качковского.

Тымчасовый выділ просит воіх рускых людей місцевых и о окрестных сел взяти участь в собраню.

Выділ.

Почтовый ящик.

Читальня им. М. Качковского Билична. Писма от вас мы не достали и тому не высылали вам газеты. Таксамо не достали мы доноси. Просиме прислати, да помістиме. Газету будеме высылати регулярно. Таксамо вышлеме календар. Счасть вам Боже в вашей просвітительной работі!



Што чути в світі.

Поїзд с нафтозем ропом в поломені. В порті страсбургском поїзд, котрый складат ся с 30 цистерн ропы наїхал на машинну парову, в послідстві чого наступил выбух бензины в одной с цистерн. От того огня зарвила ся ропа нафтова во виштых цистернах. Повстала шкода выносит перешло 1 миллион франков. Жертв в людях не было.

В Берлині, в одном великом sklepi 23-літна дівчина ударила якимсь тупым предметом одну купуючу в sklepi женщину и вырвала ей торбинку, в котрой было всего 7 марок. Дівчина потом выбіжала со sklepi и змішалась с переходячими улицом людами.

В Мексику, на ріці Пануко затонула лодь. Утопило ся 25 женщин и дітей. Мужчины доплыли до берега и выратовали ся.

В Закопаном на Быстром мал місце несчастный случай, спричиненый неосторожном издом шофера, котрый выминаючи санки, скрутил так негло, што автомобилем шмарило до лежачого при дорозі ліса. В том самом часі переходил ліском 27-літний Павел Зильберклянг с Варшавы, котрого пригнела скринка акумулятора. Помимо безотложной помощи Зильберклянг умер на місци. Шофера арестовано.

Сталин жадат от Франции, с котром Совіты удержуют в послідних часах приязны отношения, выдаленя с Франция Троцкото. Газеты доносят, же Франция не згодит ся на того.

Полициянт, котрый старал ся заслонити короля Александра перед кулями напастника и котрый был тяжко раненый, был отличеный офицерским крестом Почетной Легии.

Оденадцетох рыбаков на ледовой крі, на полном морі. На Морі Азовском под Таганрогом буря роздерла брылу льду, на котрой стояло 11 рыбаков и 2 коні и кру разом с людьми и конь и занесла на полне море.

Для их ратованя выслано корабель и аеропланы. Один с летчиков отнашол часть жертв той незвычайной катастрофы и шмарил им теплу одежку и ідло. По его указаням поїхал корабель и забрал их. Остальных найдемо погодивше так, же ашиткы рыбаки были выратованы.

В Росии позволено уряджати забавы и балі. В совітской Росии был заказ урядженя всяких забав публичных. Дперва тепер перед Новым Роком. (В Совітах обявує календар григориянский, такий як у поляков) позволено поодынокым организациям работничим урядити торжественну встрічу Нового Року и Сильвестровы балі. В Харкові мясничный сезон значе ся масковым бальом, организованным в будынку велнкой фабрики тракторов. На тот баль приготвяля костюмы специальна комиссия.

В Португалии было трясенє землі, в послідстві котрого потрескало много домов. Муры старого маврытанского замка в Сильвес потрескали так сильно, што поробили ся в них трещины. В замку тоя єст тепер вязница и с най утекло килько вязней.

Пожары в Горлицком. Недавно огонь знишил цілковито доробок одного господара в Ропиш Польской. В часі латинских свят были ише два пожары, один в Шимбарку, где спалил ся дом и забудованє одного газды и малярня Шинца в Горлицях. Пожарна сторожа горлицка под начальством Москаля зъякализвала огонь и не допустила до перешмареня ся на другы фабричны будынкы. Згоріл лем один будынок.

Оголошенє

Редакция просит замовляти уж календары на 1935 р. Календар великий о 160 см. Найдете там дуже интересного материала. Коштує с пересылком 50 грошей. Высыламе лем за готовы гроши.